



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեման՝ Սովորողների հետ ինքնուրույն
աշխատանքի կազմակերպման ձևերը. Ինքնաստուգում և
ինքնավերահսկում

Առարկան՝ Կերպարվեստ

Հետազոտող ուսուցիչ՝ Գայանե Գալստյան

Ուսումնական հաստատություն՝ 140 հիմնական դպրոց

ԵՐԵՎԱՆ 2023

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
ԳԼՈՒԽ 1. ԻՆՔՆՈՒՐՈՒՅՆ ԱՇԽԱՏԱՆՔԻ ԴԵՐՆ ՈՒ ՆՇԱՆԱԿՈՒԹՅՈՒՆԸ ԴՊՐՈՑՈՒՄ	
1.1. Ինքնուրույն աշխատանքի կառուցվածքը և ձևերը.....	5
1.2. Ինքնուրույն աշխատանքները սովորողների հետ արդյունավետ կազմակերպելու ուղիները.....	6
1.3. Ուսուցիչների դերը աշակերտների ինքնուրույնության զարգացմանը առարկայի դասավանդման ընթացքում.....	9
ԳԼՈՒԽ 2. ԻՆՔՆԱՍՏՈՒԳՈՒՄ ԵՎ ԻՆՔՆԱՎԵՐԱՀՄԿՈՒՄ	
2.1. Ինքնուրույն և նախաձեռնող աշակերտի և ուսուցչի համագործակցությունը դպրոցում.....	11
2.2. Ինչպե՞ս իրականացնել ինքնաստուգում և ինքնավերահսկում.....	13
2.3. Դասի պլան.....	16
ԵԶՐԱԿԱՑՈՒԹՅՈՒՆ.....	19
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....	21

ՆԵՐԱԾՈՒԹՅՈՒՆ

Թեմայի արդիականությունը: Այսօր դպրոցի խնդիրը ոչ միայն սովորողների կրթամակարդակը բարձրացնելն է, այլև նրանց գիտելիքները ինքնուրույն լրացնելու և ժամանակակից տեղեկատվության օվկիանոսում կողմնորոշվելու, հետազոտելու կարողություններ ձևավորելը: Հետազոտական մտածողության գործընթացը ենթադրում է ինչպես նորի որոնումը, այնպես էլ արդեն ձեռք բերած գիտելիքների գործածումը: Ցանկացած հետազոտական աշխատանք որոնողական քայլերի շղթա է, որի հաջողությունը պայմանավորված է ուսուցչի աշխատանքի իմաստալից պլանավորումից:

Կրթությունը, ըստ հանրակրթական պետական չափորոշչի, ներառում է սովորողի յուրացման համար նախատեսված գիտելիքները, մանկավարժահոգեբանական աշխատանքները, մշակութային, բարոյական, ազգային ու համամարդկային արժեքները: Ժամանակակից մանկավարժության մեջ կրթության առաջնային նպատակ է ինքնուրույնություն, նախաձեռնողականություն և սովորելու մշակույթ դաստիարակելը:

Աշակերտը պետք է գիտելիքներ ստանա ոչ թե պատրաստի ձևով, այլ դրանք ձեռք բերի ինքնուրույնաբար՝ որոնողական, հետազոտական, համագործակցային աշխատանքի արդյունքում: Ինքնուրույն գործունեության զարգացմանն են նպաստում համագործակցային ուսուցումը, ճանաչողական-որոնողական աշխատանքները, խաղային տեխնոլոգիաներով ուսուցման կազմակերպումը, ինքնագնահատման կարողությունների զարգացումը: Արդի կրթական համակարգում, ընդհանրապես, տարրական դասարաններում մասնավորապես բացառիկ տեղ է հատկացվում սովորողներին՝ ինքնուրույնություն և ստեղծագործական մոտեցում ցուցաբերելու կարողությունների ձևավորումը:

Ուստի մերօրյա մանկավարժի գործունեությունը չպետք է սահմանափակի սովորողի ստեղծագործական որոնումների շրջանակը: Ընդհակառակը ուսուցման գործընթացն աշակերտներին պետք է ինքնադրսևորման և ինքնազարգացման հնարավորություն ընձեռնի: Դա իրականացվում է սովորողների կողմից նորը փորձարկելու, բացահայտումների, ուսումնասիրության ընթացքում ինքնուրույն գործունեություն ծավալելու միջոցով: Ուսուցիչը, ուղղորդելով, աջակցելով, սատարելով

հանդերձ, պետք է աշակերտին՝ աննկատ ու անձայն հուշի. «Փորձի՛ր ինքնուրույն հաղթել արդյունքի հասնելու քո ճանապարհը»: Մինչդեռ այսօրվա մեր հանրակրթական ուսումնական հաստատություններում առկա է սովորողների ինքնուրույն գործունեություն ծավալելու կամ իրենց գործունեությունն ինքնուրույն կարգավորելու կարողությունների խնդիրը:

Նշյալով էլ պայմանավորված է աշխատանքի արդիականությունը:

Հետազոտության նպատակը: Հետազոտության հիմնական նպատակն է ներկայացնել և ուսումնասիրել սովորողների հետ ինքնուրույն աշխատանքի կազմակերպման ձևերը դպրոցում: Այդ նպատակների իրականացումը ենթադրում է կոնկրետ խնդիրների լուծում, որոնք էլ ապահովում են աշխատանքի տրամաբանությունն ու կառուցվածքը:

Հետազոտության խնդիրները: Առաջադրված նպատակին հասնելու համար աշխատանքում առաջադրվել են հետևյալ *խնդիրները*՝

- Վերլուծել հիմնախնդրի վերաբերյալ մասնագիտական գրականություն:
- Ներկայացնել սովորողների հետ ինքնուրույն աշխատանքի կազմակերպման ձևերը:
- Պարզաբանել ինքնուրույն և նախաձեռնող աշակերտի և ուսուցչի համագործակցությունը դպրոցում:
- Լուսաբանել ինչպե՞ս իրականացնել ինքնաստուգում և ինքնավերահսկում:

1.1. Ինքնուրույն աշխատանքի կառուցվածքը և ձևերը

Ա. Ի. Սավենկովն ասել է, որ ուսուցումը պետք է լինի պրոբլեմային: Այն պետք է պարունակի ինքնուրույն հետազոտական գործունեության տարրեր, կրի անհատական ստեղծագործական բնույթի որոնումների կնիքը: Այդ դեպքում կրթությունը ոչ թե սուկ վերարտադրողական բնույթ կկրի, այլ կվերածվի ստեղծագործական գործունեության: Նման իրավիճակներում կաշխուժանան երեխաների շփումներն ինչպես հասակակիցների, այնպես էլ մեծահասակների հետ, և նրանց մեջ կձևավորվեն դրական կենսավորձ ու անձնային նոր որակներ:

«Երեխայի վզին փաթաթած» թեման, ինչքան էլ մեզ՝ մեծերիս կարևոր թվա, անհրաժեշտ արդյունք չի ունենա: Երեխային հետաքրքրող թեմա ընտրելու համար հարկավոր է նրան լսել, ուսումնասիրել նրա հետաքրքրությունները: Դա բարդ, սակայն լրիվ իրագործելի մանկավարժական խնդիր է: Հետազոտական աշխատանքը պետք է սկսել առաջին դասարանից: Դրանք կարելի է զարգացնել խաղերի տարաբնույթ աշխատանքների միջոցով, որոնք կակտիվացնեն երեխաների ստեղծագործական գործունեությունը:

Ինքնուրույն աշխատանքը բավականին մեծ դեր ու նշանակություն ունի դպրոցում: Այն դիտարկվում է որպես ուսուցման միջոց: Ինքնուրույն աշխատանքի հմտությունները ինքնին չեն ձևավորվում, դրանք անհրաժեշտ է ձևավորել: Ինքնուրույն է համարվում այն աշխատանքը, որի ընթացքում սովորողները հստակ պատկերացնում են աշխատանքի նպատակը, դրա կատարման կարգը և կատարում են այն՝ առանց ուսուցչի մասնակցության: Այս ամենին հասնելու համար անհրաժեշտ է սովորողների մեջ ձևավորել ինքնուրույն աշխատանքի հմտություններ: Այդ գործում մեծ դեր ունի ուսուցիչը, քանի որ սովորողների ինքնուրույնությունը զարգանում է աստիճանաբար՝ դասից դաս, դասարանից դասարան¹:

Երեխայի ինքնուրույն գործունեությունը ձևավորվում է դեռևս վաղ մանկության շրջանում: Տարիքային յուրաքանչյուր փուլ բնութագրվում է ոչ միայն իմացական զարգացման որոշակի պոտենցիալ հնարավորություններով, այլ նաև մտածողության տիպով: Այս տեսակ հաշվառումն ուսուցման գործընթացում անհրաժեշտ պայման է կրթության յուրաքանչյուր աստիճանում զարգացման բավարար մակարդակ

¹ Էսիպով Բ.Պ., Սովորողների ինքնուրույն աշխատանքը դասին. - Մ., 1961:

ապահովելու համար: Օրինակ, հայտնի է, որ մանկահասակ երեխայի մտածողությունն ակնառու-պատկերավոր բնույթ ունի: Սա նշանակում է, որ այս տարիքի երեխաների ուսուցումն արդյունավետ է, եթե այն իրագործվում է պրակտիկ գործունեության միջոցով, որի պայմաններում սովորողը շատ բաներ հասկանում է սեփական փորձով: Համապատասխան դասագրքերն, իրենց հերթին, պետք է հարուստ լինեն նկարազարդման նյութերով, տեքստերը հեղեղված չլինեն սահմանումներով ու բանաձևերով:

Ժամանակակից դպրոցում սովորողների ուսումնական գործունեությունը կազմակերպվում և իրականացվում է երեք ձևով.

1. Համընդհանուր
2. Անհատական
3. Խմբային:

1.2. Ինքնուրույն աշխատանքները սովորողների հետ արդյունավետ կազմակերպելու ուղիները

Ինքնուրույնությունը մարդու կարևորագույն հատկանիշներից է, ինչի ձևավորումը սկսվում է բավականին վաղ տարիքում: Աշակերտների ինքնուրույն գործունեության կարողությունների զարգացումը բարելավում է ուսուցման գործընթացը, որն ունի ուսուցիչների և սովորողների առջև դրված խնդիրների լուծման համատեղ ելքեր, որոնք կիրառվում են կրթության որակը բարելավելու նպատակով: Աշակերտների ինքնուրույն գործունեության կարողությունների զարգացումը կրթության բարելավման և բարեփոխումների փուլում առավել արդիական է, տեղեկությունների հավաքման գործընթացի անբաժանելի մասն է: Երեխայի ինքնուրույնությունը արտահայտվում է նրա կյանքի բազմաթիվ ոլորտներում՝ ինքնասպասարկում, խաղեր, մշակութահիգենիկ, հանրօգուտ գործունեություն, շրջապատի հետ շփումներ և այլն: Ինքնուրույնության ձևավորման մեջ մեծ դեր է հատկացվում տարրական աշխատանքային գործողություններին: Դեռ ավելին, աշխատանքի նկատմամբ հետաքրքրությունը և աշխատանքային հանձնարարություններ կատարելու պահանջմունքը ձևավորվում են մանկական ինքնուրույնության շրջանակներում:

Ինչպես ցույց են տվել ուսումնասիրությունները, սովորողների ինքնուրույն աշխատանքն ունի որոշակի կառուցվածք: Այն իր մեջ ներառում է որոշակի փուլեր.

1. կազմակերպչական. Սա երեխաների աշխատանքային միջավայրի նախապատրաստումն է:
2. հուշաթերթիկների բաշխում, որոնք անհրաժեշտ կլինեն աշխատանքի ընթացքում: Աշխատանքային միջավայրի նախապատրաստումը կարևորագույն պայման է արդյունավետ ինքնուրույն աշխատանքի կազմակերպման համար:
3. նախապատրաստական. Այս փուլում ուսուցիչը սովորեցնում կամ մեկ անգամ ևս հիշեցնում է երեխաներին հանգիստ նստել, չխանգարել իրենց ընկերներին, պահպանել լռություն և կարգուկանոն, ուշադիր աշխատել, ինքնաստուգում կատարել և այլն, այսինքն՝ այն ամենը, ինչը կապահովի աշխատանքի արդյունավետությունը:
4. կողմնորոշիչ. Այս փուլում ուսուցիչը սովորեցնում է առաջադրանքի բովանդակությունը:
5. հիմնական փուլ. Այս փուլում կատարվում է ինքնուրույն աշխատանքը:
6. ամփոփիչ փուլ. Այս փուլում կատարվում է անդրադարձ: Ուսուցիչը գնահատում է, քննարկում, վերլուծում ամբողջ դասարանի աշխատանքի ընթացքը, արդյունքները:

Նպատակահարմար է առաջադրանքի կատարման ստուգման համար առանձնացնել ևս մեկ կառուցվածքային ստուգիչ փուլ, որի ընթացքում աշակերտը կատարելով առաջադրանքը՝ ինքն իր սեփական նախաձեռնությամբ ստուգում է իր աշխատանքը և գնահատում այն, այսինքն՝ իրականացնում է ինքնաստուգում և ինքնավերահսկում: Կազմակերպելով սովորողների ինքնուրույն աշխատանքը՝ ուսուցիչը պետք է կարողանա պատասխանել հետևյալ հարցերին.

- Տվյալ ուսումնական նյութի ուսումնասիրման գործընթացի որ փուլում է նպատակահարմար կազմակերպել ինքնուրույն աշխատանքը,
- ինքնուրույն աշխատանքի ինչ տիպ է անհրաժեշտ ընտրել և կիրառել գիտելիքների յուրացման տվյալ փուլում:

Ինքնուրույն աշխատանքի կազմակերպումն ու անցկացումը պահանջում է հատուկ մոտեցում: Այդ պատճառով անհրաժեշտ է մանրամասն մշակել դասի պլանը, որոշել ինքնուրույն աշխատանքի տեղը դասի ընթացքում, բովանդակությունը, դրա կազմակերպման ձևերն ու մեթոդները: Միայն այս դեպքում ինքնուրույն աշխատանքը արդյունավետ կընթանա: Ընդ որում, մանկավարժը պետք է նախատեսի աշխատանքի բարդության մակարդակը, ծավալը, հնարավոր սխալները, դժվարությունները, որոնք կարող են ծագել այդ աշխատանքի կատարման ընթացքում: Ինքնուրույն աշխատանքի կազմակերպման ընթացքում անհրաժեշտ է մտորել նաև սովորողներին ցուցաբերվող օգնության և ստուգման ձևերի մասին: Ինքնուրույն աշխատանքի կազմակերպման նպատակով անհրաժեշտ է կիրառել բազմազան մեթոդական հնարներ: Դրանք նպաստում են արագ յուրացնել գործողությունների որոշակի հաջորդականություն կատարելու և սեփական գործունեությունը կազմակերպելու համար անհրաժեշտ կարողությունները: Ինքնուրույն աշխատելու կարողությունները մշակվում են նպատակաուղղված վարժությունների և աստիճանաբար բարդացող առաջադրանքների միջոցով: Մինչ ինքնուրույն աշխատանքի համար առաջադրանքներ տալը, այդ առաջադրանքների տեսակները յուրացվում են նախապես ուսուցչի հետ միասին կատարվող աշխատանքների միջոցով: Այնուհետև առաջադրանքների այս կամ այն մասը կատարում են աշակերտները, և, վերջապես, նրանք հնարավորություն են ստանում ամբողջ առաջադրանքը կատարել ինքնուրույն: Ուսուցիչը պետք է որոշի առաջադրանքների տեսակը, դրա տեղը դասի ընթացքում, բացատրի նպատակը և կատարման քայլերի հաջորդականությունը, հետևի սովորողների աշխատանքին՝ անհրաժեշտության դեպքում ցուցաբերելով օգնություն առանձին աշակերտներին²: Աշխատանքի ստուգումը ևս կատարվում է ուսուցչի ղեկավարությամբ: Վերջինս արդյունքների քննարկմանը մասնակից է դարձնում ամբողջ դասարանին: Դիտարկենք, թե ինքնուրույն աշխատանքի ի՞նչ տեսակներ կարելի է կիրառել դպրոցում: Ինքնուրույն աշխատանքի հիմնական տեսակները կարելի է դասակարգել ըստ մի քանի հատկանիշների, որոնք միևնույն ինքնուրույն աշխատանքը բնութագրում են տարբեր տեսանկյուններից: Ստորև ներկայացնենք ինքնուրույն աշխատանքի տեսակները.

² Նեմով Ռ.Ս. Հոգեբանություն, Գիրք 2, 1998:

1. Հիմնարար գիտելիքների կրկնության և նոր նյութի ընկալմանը նախապատրաստող
2. Նոր նյութի ուսումնասիրությանը նպաստող
3. Գիտելիքները համակարգող
4. Որոշակի կարողություններ զարգացնող
5. Ստուգող, վերահսկող:

Կրթության բարելավման հարցերը մշտապես գտնվել են բոլոր զարգացած երկրների ուշադրության կենտրոնում: Բարելավման միջոցներից է ինքնուրույն աշխատանքների արդյունավետ կիրառումը: Աշակերտների ինքնուրույն աշխատանքը առաջին հերթին նրանց ինքնուրույն մտածողությունն է, որը դրսևորվում է աշակերտակենտրոն, արդյունավետ ուսուցման ավանդական և ժամանակակից մեթոդների կիրառության ժամանակ: Ի՞նչ ընդհանրացում կարող էք կատարել: Առաջադրանքը կատարելիս հետևություններ են անում՝ նախ անհատապես աշխատելով, ապա ստուգում են իրենց ստացած արդյունքը:

1.3. Ուսուցիչների դերը աշակերտների ինքնուրույնության զարգացմանը առարկայի դասավանդման ընթացքում

Իսկ հիմա դիտարկենք կերպարվեստ առարկայի դերը սովորողների մեջ ստեղծագործականության, ինքնուրույնության և նախաձեռնողականության ձևավորման գործընթացում: Կերպարվեստ առարկայի կարևոր առանձնահատկություններից է այն հանգամանքը, որ այն կապ է հաստատում մարդու և բնության, ինչպես նաև բնագիտական և հասարակական առարկաների միջև: Կերպարվեստ առարկայի շնորհիվ աշակերտները ոչ միայն գիտելիքներ է ձեռք բերում բնություն վերաբերյալ, այլ նաև վերաբերմունք և արժեհամակարգ: դպրոցական կրթություն բովանդակությունը ներկայումս ընդգրկում է ոչ միայն գիտելիքներ եվ կարողություններ այլ նաև ստեղծագործական գործունեության փորձ և հուզարժեքային վերաբերմունք շրջակա աշխարհի նկատմամբ: Այս ամենի կրողն ու ձևավորողը անշուշտ ուսուցիչն է: Բազմաթիվ հոգեբանական խնդիրներ կենտրոնանում են ուսուցչի շուրջ: նրա վերաբերմունքը դեպի աշակերտը երեխայի հոգու վրա ունեցած

ներգործությունը մի կողմի իր սեփական աճն ու զարգացումը ստձեղծում են հոգեբանական մի բարդ համակարգ, որի բաղադրամասերը ձևավորում են ուսուցչի կերպարը³: Այդ բաղադրիչներն են՝

1. մանկավարժական ուղղվածություն
2. մանկավարժական իրազեկություն
3. Հուզական ճկունություն:

Իրենց բովանդակության և յուրահատկության շնորհիվ արվեստներն ընդհարապես և կերպարվեստը՝ հատկապես, լավագույն կերպով բացահայտում են մարդու և շրջապատող ողջ աշխարհի գեղեցկությունն ու ներդաշանակությունը: Իսկ գեղեցիկը, ներդաշանակը տեսնելու պահանջը վերածվում է այն ստեղծելու ցանկության: Արվեստի հետ շփումը հարստացնում է մարդուն գեղեցիկի, բարության, ճշմարտության, ճանաչման համամարդկային փորձով՝ դարձնելով այն սեփական կյանքի փորձ:

Ինքնուրույնության ձևավորման համար անհրաժեշտ է կիրառել դաստիարակչական-կրթական աշխատանքի ամբողջական համակարգ: Աշխատանքային նյութերը պետք է ընտրված լինեն այնպես, որպեսզի դրանք շահագրգռվածություն առաջացնեն նախկինում ստացած գիտելիքները և հմտությունները կիրառելու համար: Ինքնուրույնության ձևավորման արդյունավետությունը կախված է խմբերում ընկերական գործնական մթնոլորտից և հատկապես ուսուցչից: Ուսուցչի խոսքը պետք է լինի հանգիստ, առանց ավելորդ բառերի՝ երեխաներից ակնկալելով ուշադրություն, ուսուցչի յուրաքանչյուր խոսքին արձագանքելու սովորություն: Ուսուցչի մեղմ խոսքը նպաստում է, որ երեխաները հաճույքով մասնակցեն ցանկացած գործունեության, ինչն էլ իր հերթին հեշտացնում է գիտելիքների և ունակություններ յուրացմանը: Ինքնուրույնության ձևավորումն իրականացվում է ուսուցչի և երեխաների ակտիվ փոխգործակցության պայմաններում:

³ Կ. Թորոսյան, Կ. Չիբուխյան, 50 հարց ու պատասխան տարրական դասարանների ուսուցիչների համար: Մաս I, 2013թ.:

ԳԼՈՒԽ 2. ԻՆՔՆԱՍՏՈՒԳՈՒՄ ԵՎ ԻՆՔՆԱՎԵՐՄԱՆ ԱՎՈՒՄ

2.1. Ինքնուրույն և նախաձեռնող աշակերտի և ուսուցչի համագործակցությունը դպրոցում

Անհրաժեշտ է հիշել, որ երեխաների ինքնուրույնությունը չի հերքում մանկավարժի կողմից դեկավարումն ու վերահսկումը: Ինքնուրույնության ձևավորման մեջ կարևոր է հատկապես այն ժամանակահատվածը, երբ երեխաները նոր են սկսում յուրացնել ամենօրյա փոքրիկ պարտականությունների վերաբերյալ պահանջները՝ ինչպես պետք է վերաբերվել իրերին և առարկաներին, ինչպես շփվել շրջապատողների հետ: Գիտելիքների և ունակությունների ձևավորումն իրականանում է կենսականորեն անհրաժեշտ նմուշների դիտարկման պայմաններում՝ յուրաքանչյուր կոնկրետ փաստի, գործողության հանդեպ հետևողականության ցուցադրմամբ, պահանջի բովանդակության և դրա կատարման եղանակի մանրամասն բացատրությամբ: Այս կամ այն պահանջի ուսուցանումը պետք է իրականացվի կամ անհատական կարգով, կամ երեխաների ոչ մեծ խմբին ցուցադրելու և բացատրելու միջոցով: Ուսուցիչը աշխատանքի վերաբերյալ հուշելուց բացի պետք է այն՝ ինքնուրույն ընտրելու շահագրգռող ուղղորդիչ հարցեր տա նրանց: Դրա համար հարկավոր է օգնել երեխաներին՝ կոնկրետացնելու աշխատանքները, որպեսզի նրանք ի գործու լինեն և վստահ լինեն, որ կարող են իրենց ուժերով կատարել դրանք: Անհրաժեշտ է նախապես մտածել աճող բարդության խնդիրների համակարգի շուրջ, որոնց լուծումը կառաջացնի ուժերի լարում, կպահանջի գործադրել անհրաժեշտ կամային ջանքեր՝ դժվարությունները հաղթահարելու համար: Աստիճանաբար դժվարացող խնդիրների կատարումը ամրացնում է նյարդային համակարգը, բարձրացնում կենսական ուժը, պահանջում առավելագույն ակտիվություն և համառություն: Երեխաներին պետք է նախապատրաստել աշխատանքին, տալ խորհուրդ՝ ինչպես և ինչի համար օգնություն ցուցաբերել, հիշել, թե ինչպես է պետք կատարել առանձին գործողությունները⁴:

Սովորողի ինքնուրույնության և նախաձեռնողական վարքագծի դրսևորումները դպրոցում կարելի է դիտարկել մի քանի տեսանկյունից: Եթե վերցնենք ուսուցչի ուղղակի ներգործությունը սովորողի ինքնուրույնության և նախաձեռնության բարձրացման վրա, ապա հարկ է արձանագրել, որ դա մեծապես կախված է վերջինիս

⁴ Կ. Թորոսյան, Կ. Չիբուխյան, Մ. Մանուկյան, Մեթոդական աշխատանքը դպրոցում, ձեռնարկ, 2014 թ.:

մանկավարժական ու անձնային որակներից: Իսկ ի՞նչ են իրենցից ենթադրում այդ որակները:

Ուսուցչի մասնագիտական որակներն են՝

- հանդուրժողականությունը, սեփական աշխատանքը ծրագրելու և կազմակերպելու, ուսուցման գործընթացն արդյունավետ իրականացնելու, մասնավորապես ավանդական և ժամանակակից մեթոդները գուցորդված օգտագործելու, անվտանգ ուսումնական, հոգեբանական և դաստիարակող միջավայր ստեղծելու կարողություն
- նորը զգալու և ընկալելու կարողություն, գենդերային անկողմնակալություն
- քննադատական մտածելակերպ, սեփական գործունեությունը մշտապես վերլուծելու, վերանայելու, ճշգրտելու և կատարելագործելու ցանկություն և կարողություն
- սովորողի իրավունքների պաշտպանի, երեխային համաձևավորողի, ուսումնադաստիարակչական գործընթացը երեխայի համար հեշտացնողի դերերը մասնագիտական բարձր որակով կատարելու ցանկություն և կարողություն
- դպրոցի, դասարանի և նրանում կատարվող բոլոր իրադարձությունների և փոփոխությունների մասնակիցը լինելու պատրաստակամություն
- կրթության ոլորտին և իր մասնագիտությանը վերաբերող հիմնախնդիրներին իրազեկ լինելու և դրանց լուծման ուղիների մասին սեփական կարծիք և ակտիվ մասնակցություն ունենալու գիտակցություն և կարողություն:

Այսպիսով, կարող ենք արձանագրել, որ կրթության ցանկացած ոլորտում անհնար է որևէ բարեփոխում իրականացնել առանց ուսուցչի մասնակցության և աջակցության: Նա պետք է գիտակցի բարեփոխումների անհրաժեշտությունը և դրանցում իր մասնակցության կարևորությունը, ունենա մասնագիտական անհրաժեշտ պատրաստվածություն և բարոյական որակներ: Կրթության որակի բարձրացման, սովորողի մեջ առաջնային կարողությունների ձևավորման համար կարևոր է նաև կրթության բովանդակությունը: Կրթության բովանդակությունը նորմատիվային փաստաթղթերի, ուսումնական նյութերի ամբողջություն է, որի մեջ ամփոփված է ի՞նչ ենք սովորեցնում հարցը: Այդ հարցը հատկապես էական է դառնում արագ փոփոխվող

աշխարհում, քանի որ ժամանակի պահանջներին չհամապատասխանող բովանդակությունը չի կարող մոտիվացնել այսօրվա սովորողին⁵:

Ստացվում է ուսուցչն իր մարդկային ու մասնագիտական բարձր որակներով, ժամանակակից մեթոդների կիրառությամբ, սովորողի տարիքային առանձնահատկությունները հաշվի առնելով՝ կարող է հասնել հանրակրթության պետական չափորոշչով սահմանված վերջնարդյունքներին: Ուստի և սովորողի հաջողությունը այս համատեքստում ուղիղ համեմատական է ուսուցչի մասնագիտական և անձնային որակներին, քանզի այս պարագայում վերջինս ոչ միայն սովորեցնողի դերում է, այլ նաև համակարգողի ուղղորդողի, խորհրդատուի:

Ստացվում է ուսուցչն իր մարդկային ու մասնագիտական բարձր որակներով, ժամանակակից մեթոդների կիրառությամբ, սովորողի տարիքային առանձնահատկությունները հաշվի առնելով՝ կարող է հասնել հանրակրթության պետական չափորոշչով սահմանված վերջնարդյունքներին: Ուստի և սովորողի հաջողությունը այս համատեքստում ուղիղ համեմատական է ուսուցչի մասնագիտական և անձնային որակներին, քանզի այս պարագայում վերջինս ոչ միայն սովորեցնողի դերում է, այլ նաև համակարգողի ուղղորդողի, խորհրդատուի:

Սովորողի ինքնուրույնության և նախաձեռնության զարգացնող մյուս օղակը հենց սովորողն է՝ կրթական համակարգի առաջնային շահակիցը: Այս պարագայում կարևոր է, որ սովորողն ինքնուրույն գա այն գիտակցմանը, որ այսօրվա ամբարած գիտելիքը, կարողությունն ու հմտությունը իր բարեկեցիկ ապագայի հիմնասյուններն են: Մակայն հատկանշական է, որ այս գիտակցումը հաճախ ժամանակավրեպ է դառնում, քանի որ կոնկրետ ժամանակահատվածում տեղի են ունենում լրջագույն բացթողումներ:

2.2. Ինչպե՞ս իրականացնել ինքնաստուգում և ինքնավերահսկում

Ի՞նչ ենք հասկանում «ինքնագնահատում»«ինքնավերահսկում» ասելով: Գնահատումը սովորողների ուսումնական գործունեության վերաբերյալ տեղեկատվություն ստանալու,կուտակելու,վերլուծելու և դրա հիման վրա հանրակրթության իրականացման բովանդակային,կազմակերպական արդյունքներն ի

⁵ Выготский Л. С. Психология развития ребенка.

հայտ բերելու և վերահսկելու գործընթացն է,իսկ գնահատման նպատակը գիտելիքների,կարողությունների և հմտությունների ,արժեհամակարգի տիրապետման և անձնային առաջընթացի որակի վերահսկումն է: Ըստ Դ.Բ.Էլկոնինի՝ արդյունավետ ուսումնական գործունեության հիմնական առանձնահատկությունն այն է, որ աշակերտը փոխում է ինքն իրեն: Սա նշանակում է, որ դպրոցականն անտարբեր չէ իր գործունեության նկատմամբ, գիտակցում է գիտելիքներ ստանալու կարևորությունը, կարողանում է պարզ ենթադրություններ կատարել և փաստարկներ գտնել դրանց հիմնավորման ու ապացուցման համար,վերլուծում է իր գործունեությունը, գնահատում է հաջողությունները, որոշում է անհաջողությունների կամ սխալների պատճառները և փորձում դրանք ուղղել: Բայց դա հնարավոր է, եթե ձևավորվում է ուսումնական գործունեություն ծավալելու աշակերտի կարողությունը, և նա դառնում է ուսուցման գործընթացի սուբյեկտ:

Աշակերտին սովորել են սովորեցնում, երբ նա ուսուցման արդյունքների հարցում զգում է անձնական պատասխանատվություն, ունի ինքնակրթության և ինքնազարգացման,ինքնագնահատման կարողություններ: Ուսուցիչը պետք է գնահատման որոշակի չափանիշներ, կողմնորոշիչներ ներկայացնի երեխային, որի արդյունքում նա կկարողանա գնահատել սեփական աշխատանքի արդյունքները: Խոսելով ինքնագնահատականի մասին՝ պետք է նշել, որ երեխան հիմնականում դպրոց է գալիս բարձրացված ինքնագնահատականով: Ընդհանրապես, երեխայի կողմից բարձր է գնահատվում այն աշխատանքը, որն արագ է արվում, որի վրա ինքը շատ ջանքեր է ծախսում՝ հաճախ անտեսելով ստացած արդյունքը: Ի դեպ՝ դպրոցականն ավելի քննադատաբար է մոտենում ընկերների աշխատանքին՝ բարձր արժևորելով սեփական աշխատանքը: Հարկավոր է հասնել նրան, որ երեխան գնահատի ոչ միայն իր աշխատանքի վերջնարդյունքը, այլև իր ուսումնական գործունեության ողջ գործընթացը:

Ուսումնական գործունեության կառուցվածքում առանձնահատուկ տեղ է զբաղեցնում վերահսկողության գործողությունը, որն ունի հատուկ գործառույթներ. այն ամրագրում է սովորողների վերաբերմունքն առարկայի նկատմամբ:Ինքնակառավարումը հոգեբանական տերմին է, որը ենթադրում է սեփական գործողություններն ու զգացմունքները կառավարելու կարողություն:

Ըստ Դ.Բ. Էլկոնինի, դա վերահսկողության գործողությունն է, որը բնութագրում է ողջ կրթական գործունեությունը որպես կամայական գործընթաց, որը վերահսկվում է հենց երեխայի կողմից: Ուսումնական գործունեության կամայականությունը որոշվում է ոչ այնքան ինչ-որ բան անելու մտադրության առկայությամբ և սովորելու ցանկությամբ, այլ մոդելին համապատասխան գործողությունների կատարման վերահսկմամբ: Այդ իսկ պատճառով ուսուցման խնդրի լուծման գործընթացում հսկողության գործողությանը տրվում է հատուկ նշանակություն:

Ուսուցման գործընթացում ինքնավերահսկում իրականացնելու տարբեր եղանակներ կան, այն է՝

1. Վերահսկում ըստ արդյունքի կամ, այսպես կոչված, վերջնական վերահսկողության (սա ինքնավերահսկման սկզբնական և ամենապարզ ձևն է, որը յուրացնում են սովորողները: Նրա գործառույթը արդյունքը տվյալ նմուշի հետ համեմատելն է, այսինքն՝ կատարվում է ստուգում: Ստուգման գործընթացում երեխաները համոզվում են, որ պատասխանը բավարարում է բոլոր նախնական պայմաններին, հակառակ դեպքում լուծումը սխալ է):

2. Քայլ առ քայլ կամ ըստ մոդելի :Այս եղանակի գործառույթը կատարվող գործողությունների ամբողջականությունը, ճշտությունը և հաջորդականությունը բացահայտելն է: Վերահսկողության այս տեսակն առաջին հերթին սովորողների ուշադրությունը հրավիրում է այն բանի վրա, թե ինչպես են նրանք իրականացնում գործողությունը:

3. Նախնական (կանխատեսող) հսկողություն՝ աշակերտին որպես գործունեության առարկա հնարավորություն է տալիս կանխատեսել դեռևս չկատարված գործողության արդյունքները: Վերահսկողության համակարգն ուղղված է սովորողների ռեֆլեքսիվ, տարբերակված, գիտակից, կայուն, համարժեք ինքնատիրապետման զարգացմանը:

Այս համակարգը կարող է բերել ցանկալի արդյունքների, եթե ուսուցիչները հետևեն անվտանգության երկու հիմնական կանոններին երեխաների ինքնավերահսկման հետ կապված⁶.

⁶ М. Монтессори. Помоги мне сделать это самому.

1. Նրանք անընդհատ նկատի կունենան, որ երեխաների ինքնավերահսկումն ապահով զարգանում է միայն դրական ընդհանուր վերահսկողության ամուր հիմքի վրա:
2. Զարգացնելով ինքնավերահսկման հմտությունները, ձգտելով դրանք դարձնել ավելի գիտակից, կայուն՝ մեծահասակները կկարողանան զերծ մնալ ավելորդ ոգևորությունից:

Ինքնավերահսկման ուսումնական գործունեությունը անցնում է ձևավորման մի քանի փուլով.

1. Մոտիվացիոն և ցուցիչ,
2. Գործառնական և գործադիր,
3. Վերջնական:

Մոտիվացիոն և ցուցիչ ինքնավերահսկման եղանակի դեպքում սովորողներին պետք է սովորեցնել ինքնավերահսկման և ուսումնական գործունեության ինքնագնահատման, գնահատման գործունեության զարգացում: Գործառնական և պլանավորման ինքնավերահսկման և ինքնագնահատման ունակության ձևավորման արդյունքում դպրոցականները տիրապետում են գնահատման առարկան որոշելու և ընկալելու, սխալները վերլուծելու կարողությանը: Վերջնական արդյունքում կատարվում է կանխատեսված և ստացված արդյունքները համեմատելու հմտությունների ձևավորում, հաջողությունների և ձախողումների պատճառների վերլուծություն⁷:

2.3. Դասի պլան

1-ին Դասի Պլան - կոնսպեկտ

Երկրորդ դասարանի համար

ԴԱՄԻ ԹԵՄԱՆ - Թեմատիկ աշխատանք „Զարմանալի Տերևները„

ԴԱՄԻ ՆՊԱՏԱԿԸ ԵՎ ԽՆԴԻՐՆԵՐԸ

1. Ցույց տալ երեխաներին տարբեր, բնական տերևներ:
2. Նկարագրել կառուցվածքը, աշնանային տերևները ինչ գույներեն լինում /խառնուրդով/

⁷ Ուսուցչի մեթոդական ուղեցույց, Երևան, 2010:

ԴԱՍԻ ԿԱՀԱՎՈՐՈՒՄԸ - Բնական տերևներ Ա4 ֆորմատի վրա կատարված տերևներով աշխատանք, Տերևներով պատկերված նկարներ ցուցադրելու և պատկերացում ունենալու համար և ճիշտ տեղադրելու թղտի վրա:

ԴԱՍԻ ԸՆՏԱՑՔԸ

1. Նոր դասի բացատրում:
2. Գրատախտակին նկարել տերևների օրինակներ:
3. Աշակերտի ինքնուրյուն աշխատանք:
4. Ֆիզկուլտ դադար:
5. Ուսուցչի կողմից անհատական և ընդհանուր աշխատանքի դրսևորում երեխաների հետ:
6. Դասի ամփոփում՝ ցուցադրել հաջողված, հետաքրքիր կատարված աշխատանքները և գնահատել

2-րդ Դասի Պլան-կոնսպեկտի օրինակ երրորդ դասարանի համար

Դասի թեման. „Աշնան հյուր,, թեմատիկ նկարչություն:

Ծանոթացում կերպարվեստի Ստեղծագործությունների հետ և զրույց շրջակա գեղեցկության մասին:

Դասի նպատակը և խնդիրները.


1. Ցույց տալ երեխաներին աշնան գեղեցկությունը գեղանկարչության մեջ, նշանավոր նկարիչների ստեղծագործություններում:
2. Երեխաների կերպարային հիշողության, հուզական-գեղագիտական վերաբերմունքի հետագա զարգացում:
3. Երեխաների մեջ ձևավորել ինքնուրյուն թեմատիկ նկար ստեղծելու կարողություն, հետևողականորեն նկարել՝ ըստ ընտրած թեմայի
4. Կերպարվեստի և հարակից առարկաների միջև միջառարկայական կապերի իրականացում՝ երաժշտության ունկնդրում „Աշնան երգ,, բնության դիտարկում՝ մայրենի լեզվի և աշխատանքի ուսուցման դասերի թեմաների հետ կապված /աշնանային տերևներ/ :

Դասի կահավորումը. Թղթեր, մատիտներ, ջրաներկ և գուաշ, յուղամատիտներ, վրձիններ, ջրամաններ, ռետին, փորձաթղթեր, „Աշնանային երգ“, ձայնագրություններ, վերատպություններ և շարժանկարներ Սարյանի, Լևիտանի, Առաքելյանի նկարների վերատպություններից, հավաքածու՝ աշնանային տերևներ:

Դասի ընթացքը.

- Ա) նոր դասի բացատրություն,
- Բ) „Աշուն“, թեմայով երևակայական նկարչություն,
- Գ) վերատպությունների ցուցադրում և վերալուծում,
- Դ) երաժշտության ունկնդրում,
- Ե) դպրոցականների ինքնուրույն աշխատանք՝ պատկերվող թեմայի կոմպոզիցիայի ընտրություն և գծանկարի կատարում,
- Զ) ջրաներկով կամ գուաշով աշխատելու եղանակների հիշեցում,
- Է) ներկերով և վրձինով աշխատելու վարժություններ,
- Ը) աշակերտների ինքնուրույն աշխատանք գույներով
- Թ) ուսուցիչ կողմից անհատական և ընհանուր աշխատանքի դրսևորում երեխաների հետ,
- Ժ) ուսումնական խնդրի կատարման արդյունքների ամփոփում, մանկական աշխատանքների կոլեկտիվ քննարկում:

Հետազոտությունը անցկացրել էմ 2-րդ դասարանի աշակերտների հետ:



Առաջին դասին ունեցա 35% արդյունք, իսկ 2-րդ դասին՝ դրանից ավելին: Կարծում եմ, որ հաճախ կիրառելով խաղային տեխնոլոգիաները և արդի ժամանակակից մեթոդները դասերի ժամանակ մենք կարող ենք նպաստել երեխաների ինքնուրույն գործունեության զարգացմանը:

ԵԶՐԱԿԱՑՈՒԹՅՈՒՆ

Ամփոփելով սույն ավարտական աշխատանքը, հետազոտության և վերլուծության արդյունքների հիման վրա կարելի է անել հետևյալ եզրակացությունները, որոնք արտահայտում են ուսումնասիրության առանցքային դրույթներն ու հիմնական եզրակացությունները:

Դպրոցի հիմնական խնդիրն ուսումնական գործունեություն իրականացնելուն ունակ (սովորելու կարողություն ունեցող) երեխայի ձևավորումն է: Դրան հասնելու արդյունավետ ուղիներից մեկն ինքնուրույն աշխատելու կարողության ձևավորումն է: Ավելի հաճախ սովորողների ինքնուրույն աշխատանքը օգտագործվում է դասարանում վարժությունների կամ խնդիրների լուծման ժամանակ, քանի որ միայն այդպես կարելի է ամբողջ դասարանին նախապատրաստել տնային աշխատանքների արդյունավետ ու հաջող կատարմանը:

Նկատենք, որ ինքնուրույն աշխատանքի կատարմանն այդ դեպքում նախորդում է ուսուցչի կողմից նմուշային վարժությունների կամ խնդիրների լուծումը: Ինքնուրույն աշխատանքների ժամանակ ուսուցիչը չպետք է աչքաթող անի թույլ սովորողներին, ամեն կերպ ինքը կամ էլ խմբային աշխատանքի ժամանակ խմբի ուժեղ աշակերտներից մեկը պետք է աջակցի նրանց՝ կազմակերպելու վերջիններիս ինքնուրույն աշխատանքը: Ինքնուրույն աշխատանքների մի շատ կարևոր ու օգտակար տեսակ է բանավոր վարժությունների լուծումը: Դրանք ունեն դիդակտիկական մեծ նշանակություն, քանի որ նպաստում են աշակերտների գիտելիքների գիտակցաբար, խորը և ամուր յուրացմանը, նրանց ինքնուրույն և ստեղծագործական մտածողության ձևավորմանը:

Ինքնուրույն աշխատանք կատարելիս մեծ նշանակություն ունի ինքնավերահսկումը, քանի որ դրա իրականացման փուլերը կարող է վերահսկել միայն ինքը՝ կատարողը: Ցանկացած աշխատանք չի կարող կատարվել առանց ինքնավերահսկման: Ինքնավերահսկողությունը սովորողները պետք է կատարեն թե տանը, թե դպրոցում: Ինքնավերահսկման հմտությունների զարգացումն անհնար է առանց այնպիսի մտավոր որակների զարգացման, ինչպիսիք են ուշադրությունը, երևակայությունը, կամքը, մտածողությունը և հիշողությունը: Ուստի դասապրոցեսի ընթացքում նպատակահարմար է օգտագործել առաջադրանքներ դրանց

ձևավորման և կատարելագործման համար: Ինքնավերահսկողությունն ուղղված է գործունեության արդյունքին և միայն աստիճանաբար զարգանում է բուն գործունեության ընթացքը վերահսկելու ունակությունը: Ինքնավերահսկողությունը փոխում է նաև վերահսկվող գործողությունների բովանդակությունը:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Էսիպով Բ.Պ., Սովորողների ինքնուրույն աշխատանքը դասին. - Մ., 1961:
2. Նեմով Ռ.Ս. Հոգեբանություն, Գիրք 2, 1998:
3. Հակոբյան Ն., Գևորգյան Ս. և ուրիշներ, Մանկավարժական հաղորդակցում, ուսումնամեթոդական ձեռնարկ, Երևան, 2010:
4. Կ. Թորոսյան, Կ. Չիբուխյան, 50 հարց ու պատասխան տարրական դասարանների ուսուցիչների համար: Մաս I, 2013թ.:
5. Կ. Թորոսյան, Կ. Չիբուխյան, Մ. Մանուկյան, Մեթոդական աշխատանքը դպրոցում, ձեռնարկ, 2014 թ.:
6. Ուսուցչի մեթոդական ուղեցույց, Երևան, 2010:
7. М. Монтессори. Помоги мне сделать это самому.
8. Выготский Л. С. Психология развития ребенка.